

Күшіміз - бірлікте!



# SARYARQA SAMALY

Павлодар облыстық газеті  
1929 жылғы 15 ақпаннан шығады

18 қаңтар, сейсенбі  
2022 жыл  
№5 (15773)

ssamaly29@gmail.com

www.saryarka-samaly.kz

facebook.com/saryarka15

@saryarka\_samaly

АЗЫҚ-ТҮЛІК ҚАУІПСІЗДІГІ

## «Асланнның» ақ наны



Суретті түсірген - Есенжол Исабек.

Павлодар қаласында нан және кондитерлік өнімдерін шығаратын 13 наубайхана бар. Барлығы облыс әкімдігімен арнайы меморандумға отырып, әлеуметтік дүкендерде сатылатын нан бағасын белгіленген мөлшерден асырмауға келісімшарт жасасқан. Есесіне, наубайханашылар астық пен ұнды төмендетілген бағада алуда.

Жалғасы 3-бетте ►►

### Спорт:

#### ЖАҢҒЫРЫҒЫ БАСЫЛМАҒАН «ERTIS»

«Ertis» футбол клубы басшылығының 1 миллиард теңге көлемінде салық төлеуден жалтарып, басы дауға қалғаны белгілі. Әлі күнге дейін тергеушілер бұл істі майшаммен қарап, кінәлілерді жауапқа тартуда. Осы уақытқа дейін әр жылдары команданың директоры қызметін атқарған 2 басшы бас бостандығынан айырылды.

Толығырақ 8-бетте ►►

### Нақпа-нақ

Облыстың  
тұрақтандыру қоры  
әлеуметтік маңызға  
ие азық-түліктердің

**13** түрін

төмендетілген  
бағамен  
қамтамасыз етуде

ҚАЙЫРЫМДЫЛЫҚ

### «Қазақстан халқына» қоры құрылды

Мемлекет басшысының тапсырмасы бойынша «Қазақстан халқына» қоғамдық әлеуметтік қоры (ҚӘҚ) құрылды.

Қордың Қамқоршылық кеңесінің құрамы да жарияланды. Алдағы уақытта қордағы жүздеген миллиард теңгені бөліске салуға белгілі мемлекет және қоғам қайраткерлері, азаматтық қоғам өкілдері, меценаттар мен еліміздің беделді азаматтары жауап бермек. Кеңес мүшелері қор төрағасы қызметіне Болат Жәмішевтің кандидатурасын ұсынып, қолдады.

Қор келесі міндеттерді орындайтын болады:

- ҚР халқына денсаулық сақтау, білім беру және әлеуметтік қолдау, мәдениет және спорт салаларында мемлекеттік қолдау шараларынан тыс қосымша қамтамасыз ету мәселелері бойынша қайырымдылық көмек көрсету;

- төтенше жағдайлар кезінде және төтенше жағдай режимін енгізу кезінде Қазақстан Республикасының зардап шеккен халқына көмек көрсету;

- халықтың әлеуметтік осал топтары және осал топ балаларына спорттық инфрақұрылымның дамуы және қолжетімділігін арттыру бойынша жәрдемдесу;

- Қазақстан Республикасының аумақтық тұтастығы мен қауіпсіздігін қорғау кезінде қаза тапқан құқық қорғау органдары, арнайы органдар қызметкерлерінің, әскери қызметшілердің отбасыларына және басқа да көмекке мұқтаж жандарға қол ұшын созу, қолдау;

- Қор қызметінің басқа бағыттары бойынша қайырымдылық көмек көрсету.

Қорды қаржыландыру жеке көздерден, халықаралық қайырымдылық ұйымдарының қаражатынан, лотерея қызметі операторының, ставкаларды есепке алу орталығының және басқа да монополистердің міндетті аударымдарынан, ірі бизнес тарапынан тұрақты аударымдарынан, қайырымдылыққа, оның ішінде квазимемлекеттік секторға арналған қаражаттан жүзеге асырылатын болады.

Өз тілшіміз.

ЖЕМҚОРЛЫҚСЫЗ ҚОҒАМ

# Әділдік жолымен жүрейік!

Мемлекеттің даму үдерісіне үлкен кедергі келтіретін факторлардың бірі - сыбайлас жемқорлық. Президентіміз Қасым-Жомарт Тоқаев елімізде жемқорлықтың дендеп кеткеніне алаңдаушылық білдіріп, мұның қоғамға қауіпті дерт екенін айтты. Бұл дертпен бір жеңнен қол, бір жағадан бас шығарып, бірлесіп күресуге шақырды. Мемлекетте оған қажеттінің бәрі бар екендігін де атап өтті.



мен қызметінің негізі бағыты халықтың құқықтық білімін арттыру, парасаттылық идеологиясын алға тарту, сыбайлас жемқорлыққа қарсы жұмыста қоғамды жұмылдыру болып табылады, - деді Нұргүл Әментайқызы.

Сондай-ақ ол сыбайлас жемқорлыққа қарсы күресте барша жергілікті тұрғындарды бірлестікпен бірлесе жұмыс істеуге шақырады. Оның айтуынша, сыбайлас жемқорлық - көз келген жүйенің жауы. Моральдік негіздерімізге кері әсерін тигізіп, әлеуметтік әділеттігімізге нұқсан келтіретін және еліміздің әлеуметтік-экономикалық дамуын тежейтін қоғам дерті.

Мемлекеттік сатып алу саласындағы сыбайластықтың алдын